



ORDE do 30 de decembro de 2025 pola que se establecen as bases reguladoras dos programas de axudas ás persoas traballadoras autónomas, cofinanciadas parcialmente pola Unión Europea no marco do programa FSE+ Galicia 2021-2027, e se procede á súa convocatoria para o ano 2026. Consellería de Emprego, Comercio e Emigración. DOG N° 23 (04/02/2026)

PROGRAMA IV. BONO REMUDA

Obxecto

Este programa ten como finalidade evitar o peche de negocios por falta de remuda xeracional, ao tempo que facilita que as persoas interesadas en emprender teñan a posibilidade de recoller o testemuño dun negocio xa viable economicamente.

A concesión das subvencións realizarase en réxime de **concorrenza non competitiva**.

O código de procedemento é o **TR353D**

Persoas beneficiarias

Persoas traballadoras autónomas de alta por conta propia ou sociedades de calquera clase con domicilio fiscal en Galicia que:

- O negocio obxecto de remuda debe ter o domicilio social e fiscal e o centro de traballo na Comunidade Autónoma de Galicia e un mínimo de **antigüidade de 5 anos** ininterrompidos anteriores á publicación desta convocatoria, e con exercicio de actividade.
- Non transcorresen máis de 12 meses entre a publicación desta orde e a baixa no RETA e no IAE e que se trate da mesma actividade do negocio que se remuda e que se desenvolva no mesmo local
- O negocio ou actividade obxecto de remuda estea inscrito na bolsa de remuda da Rede de polos de emprendemento e apoio ao emprego da Xunta de Galicia.
- A transmisión se materialice mediante contrato de traspaso ou venda do negocio ou actividade
- No caso de transmisión de persoas autónomas societarias, estas deben posuír antes da publicación destas bases, máis do 50% de accións ou participacións da sociedade que se traspasa.
- Se realice o cambio de titularidade da licenza de apertura e/ou actividade, ou de ser o caso comunicación previa no concello correspondente.
- As persoas que remudan o negocio non poden estar en ningunha situación de xubilación activa cando se produza a remuda.

Tamén poden ser beneficiarias as **persoas autónomas que transmitan o negocio** que cumpran algún dos seguintes requisitos:

- Ter unha idade próxima á xubilación (62 anos ou máis).
- Foran declaradas en situación de incapacidade total ou absoluta ou grande invalidez recoñecida polos órganos competentes da Seguridade Social.

- Foran herdeiras da persoa titular do negocio, no caso de falecemento desta e non tiveran transcorrido máis de 12 meses desde o falecemento.

Só poderá adquirir a condición de beneficiaria unha única vez (no vaso de varios negocios que se remudan)

Exclusións:

- As persoas/entidades que foran beneficiarias e percibiran a axuda do bono remuda, procedemento TR353D, nesta ou noutras convocatorias do mesmo procedemento.
- As persoas autónomas que, pola súa vez, sexan autónomas societarias e soliciten para o mesmo negocio as axudas recollidas neste programa, tanto a título individual como a través da sociedade de que forman parte. No caso de realizar máis dunha solicitude, ambas quedarán excluídas. Tamén quedan excluídos os autónomos colaboradores.
- As persoas ou sociedades que transmitan licenzas de actividade
- Os traspasos (cesión, venda, alugueiro) de negocios realizados coa persoa cónxuxe ou parella de feito da persoa titular.
- Os traspasos (cesión, venda, alugueiro) de negocios realizados entre persoas cunha relación de parentesco ata o primeiro grao de consanguinidade cando as persoas ascendentes manteñan a súa alta en vida laboral con actividade no mesmo negocio que se remuda.

Liñas de axuda

Liña 1: bono remuda rural, para negocios situados en concellos de **menos de 10.000 habitantes**, dotada con 750.000 €.

Liña 2: bono remuda xeral, para negocios situados en concellos de **10.000 ou máis habitantes**, dotada con 750.000 €.

Contía das axudas

O bono remuda subvenciona o prezo, sen IVE, estipulado no contrato de remuda, dun negocio ou actividade con domicilio social e fiscal e centro de traballo na Comunidade Autónoma de Galicia que previamente estivese inscrito na bolsa de remuda da Rede de polos de emprendemento.

– Na liña 1: bono remuda rural subvenciónase o 75 % do prezo do contrato de remuda.

– Na liña 2: bono remuda xeral subvenciónase un 70 % do prezo do contrato de remuda.

Estas axudas poderán incrementarse un 5% mais sobre o total nos seguintes casos (acumulables entre sí):

- Que a persoa que adquire o negocio sexa menor de 30 anos na data da solicitude.
- Que a persoa que adquire o negocio sexa unha muller
- Que a persoa que adquire o negocio teña 52 ou máis anos.
- Que a persoa que adquire o negocio sexa desempregada de longa duración.
- Que o negocio que se traspasa teña máis de 5 traballadores.

Igualmente para o caso da liña 1 (bono remuda rural) a intensidade da axuda poderá incrementarse un 10% máis cando se de algunha das seguintes circunstancias:

- Que a persoa que adquire o negocio sexa menor de 30 anos na data da solicitude.
- Que a persoa que adquire o negocio sexa emigrante retornada.

- Que a persoa que adquire o negocio sexa estranxeira.
- Que a persoa que adquire o negocio estea empadroada na mesma localidade en que se atope o negocio antes da publicación desta orde.

No caso de que a persoa beneficiaria da axuda acceda á remuda mediante o alugueiro do local e/ou medios produtivos, o importe que se percibirá será o correspondente aos primeiros 18 meses de alugueiro.

A **contía máxima subvencionable por remuda será de 30.000 euros**, excepto nos casos en que o obxecto da remuda estea constituído por unha licenza de actividade que habilite para o seu desenvolvemento, segundo o disposto no artigo 5.23, caso en que a contía máxima subvencionable por remuda será de 10.000 euros.

Para ser subvencionable o **gasto deberá estar realizado e pagado no período comprendido entre o 1 de outubro de 2025 e o 30 de setembro de 2026**, salvo nos casos de acceso á remuda mediante o alugueiro do local e/ou medios produtivos.

Réxime de *minimis*

A axuda concedida está suxeita ao réxime de *minimis*.

Presentación de solicitudes

O prazo para a presentación de solicitudes irá dende o **11 de febreiro ata o 30 de setembro de 2026**.